



P R O P O Z I C I J E
TAKMIČENJA NOGOMETNOG KUP-a
NA NIVOU NS UNSKO-SANSKOG KANTONA
ZA TAKMIČARSKU 2020/2021 GODINU

Bihać, 2020. godine

Komitet za hitnost NS USK-a na svojoj 2. sjednici koja je održana dana 17.07.2020 godine a na prijedlog Takmičarske komisije NS USK-a usvojio je :

PROPOZICIJE
TAKMIČENJA NOGOMETNOG KUP-a
NA NIVOU NS USK-a ZA TAKMIČARSKU 2020/2021 GODINU

OPĆE ODREDBE

Član 1.

Ovim propozicijama utvrđuje se način organizovanja i provođenja takmičenja nogometnog KUP-a na nivou NS USK-a za takmičarsku 2020/2021 godinu, broj učesnika, plasman klubova, organizacije utakmica, žalbeni postupak, finansijske odredbe i dr.

Nogometni kup na nivou Nogometnog saveza Unsko-Sanskog kantona za takmičarsku sezonu 2019/2020 godinu odvijat će se u konkurenciji seniora i juniora.

UČESNICI TAKMIČENJA

Član 2.

U KUP takmičenju seniora za takmičarsku 2020/2021 godinu **OBAVEZNO** učestvuju :

- klubovi članovi Nogometne lige kantona i
- klubovi članovi Druge lige NS Federacije BiH grupa "Zapad"
- O KUP sistemu takmičenja može odlučiti Izvršni odbor NS FBiH posebnom odlukom

U KUP takmičenju juniora za takmičarsku 2020/2021 godinu **OBAVEZNO** učestvuju:

- juniorske ekipe klubova Prve lige NS F BiH,
- klubovi Omladinske nogometne lige BiH-grupa "Zapad",
- O KUP sistemu takmičenja može odlučiti Izvršni odbor NS FBiH posebnom odlukom

RUKOVOĐENJE I ORGANIZACIJA TAKMIČENJA

Član 3.

Takmičenjem rukovodi Izvršni odbor NS USK-a putem takmičarskog organa /takmičarske komisije/. Utakmice KUP takmičenja NS USK-a igraju se po jednostrukom KUP sistemu /igra se jedna utakmica/.

ŽRIJEB PAROVA KUP-a

Član 4.

Raspored utakmica određuje se žrijebom, kojim rukovodi Komisija za takmičenje NS USK-a.

Član 5.

Zapisnik sa utakmica sastavlja se na način kao i u prvenstvenim utakmicama Nogometne lige USK-a.

SLUŽBENA LICA

Član 6.

Za obavljanje funkcije službenih lica na utakmicama KUP-a USK-a delegiraju se delegati i suci sa lista verificiranih od strane Izvršnog odbora NS USK-a.

Vežano za delegiranje i obavljanje funkcije službenih osoba primjenjuje se odredbe Pravilnika o nogometnim takmičenjima NS/FS BiH, Propozicija takmičenja za prvenstvo nogometne lige NS USK-a za takmičarsku 2020/2021 godinu i Propozicija takmičenja Omladinske nogometne lige BiH za takmičarsku 2020/2021 godinu.

Troškovi službenih lica utakmica seniora su u visini troškova na utakmicama Nogometne lige NS USK-a odnosno na utakmicama juniora u visini troškova na utakmicama Omladinske lige USK-a .

ORGANIZACIJA UTAKMICA

Član 7.

Organizacija utakmica se vrši prema odredbama Pravilnika o nogometnim takmičenjima NS/FS BiH i Propozicijama takmičenja za prvenstvo nogometne lige NS USK-a za takmičarsku 2020/2021 godinu.

Utakmice se igraju na terenima registriranim za prvenstvene utakmice Nogometne lige NS USK, terenima registriranim za prvenstvene utakmice Druge nogometne lige F BiH-grupa "zapad".

Organizaciju utakmica vrši klub domaćin.

Član 8.

Klub je obavezan na svim utakmicama postaviti na jarabole Državnu zastavu BiH i zastavu NS/FS BiH. Na jarabolima mogu biti entitetske zastave, zastave kantona/županija, klupske zastave i zastava fair-playa. Postavljanje drugih zastava nije dozvoljeno.

PRAVO NASTUPA

Član 9.

Pravo nastupa za ekipu seniora na utakmicama KUP-a NS USK-a imaju igrači koji ispunjavaju uslove za nastup, a koji su propisani Pravilnikom o registraciji klubova i igrača, status i transferu igrača NS /FS BiH.

Za KUP takmičenje nevaži ograničenje u godinama igrača /mlađi od 21 godine života/. Pravo nastupa za ekipu juniora na utakmicama KUP-a NS USK-a imaju igrači koji ispunjavaju uslove za nastup, a koji su propisani Pravilnikom o registraciji klubova i igrača, status i transferu igrača NS /FS BiH rođeni 01.01.2002. godine i mlađi, ali ne mlađi od 16 godina. Izuzetno, mogu nastupiti igrači koji su godinu dana mlađi od naznačenih godina, ukoliko su na osnovu specialnog ljekarskog pregleda proglašeni sposobnim za nastupe na tim utakmicama pod uslovom da je to i uvedeno u igračku legitimaciju.

Da bi nastupio na utakmici, igrač mora ispoštovati sve procedure koje su propisane usljed pandemije COVID-19.

UTVRĐIVANJE PLASMANA

Član 10.

Plasman se utvrđuje na osnovu rezultata utakmice.

U slučaju da se utakmica završi nerješeno rezultatom odmah se pristupa izvođenju udaraca sa 11 m za dobijanje pobjednika.

Član 11.

Ukoliko klub svojom krivicom odustane od takmičenja ili neopravdano ne dođe na odigravanje utakmice, u dalje takmičenje će se plasirati protivnički klub.

Član 12.

Izvršni odbor NS USK-a na prijedlog Takmičarske komisije svojom odlukom će odrediti stadion i mjesto odigravanja finalne utakmice u konkurenciji seniora i juniora.

ŽALBE

Član 13.

Žalba na odigranu utakmicu može se najaviti u roku od 24 sata po odigranoj utakmici, a obrazloženje sa dokazom o uplaćenju taksi u roku od 48 sati po odigranoj utakmici.

Žalba na odluku prvostepenog organa može se uložiti u roku od 3 /tri/ dana po prijemu prvostepene odluke.

FINANSIJSKE ODREDBE

Član 14.

Troškove organizacije utakmica i svih službenih lica snosi klub domaćin, osim troškova finalne utakmice koje snosi NS USK-a (troškovi službenih lica za finale KUP-a Juniori i Seniori i organizacije utakmica kluba koji je domaćin Finalnim utakmicama, a visinu naknade za organizaciju Finalnih utakmica KUP-a donosi Izvršni odbor NS USK-a).

Troškovi službenih lica isplaćuju se u iznosu visine troškova regulisanih članom 6. ovih Propozicija na način kako je to regulisano Prepozicijama takmičenja za prvenstvo nogometne lige NS USK-a za takmičarsku 2020/2021 godinu.

Troškove službenih lica na utakmicama u KUP takmičenju snose klubovi učesnici KUP-a

PRELAZNE ODREDBE

Član 15.

Seniorska ekipa koja odustane od KUP takmičenja ili ne dođe na odigravanje utakmice bit će kažnjena novčanom kaznom u iznosu od 600,00 KM i snosit će disciplinske posljedice u skladu sa odredbama Disciplinskog pravilnika NS/FS BiH.

Juniorska ekipa koja odustane od KUP takmičenja ili ne dođe na odigravanje utakmice bit će kažnjena novčanom kaznom u iznosu od 600,00 KM i snosit će disciplinske posljedice u skladu sa odredbama Disciplinskog pravilnika NS/FS BiH.

NAGRADE

Član 16.

Pobjednik SENIORSKOG KUP-a I JUNIORSKOG KUP-a takmičenja NS USK-a dobija pehar u trajno vlasništvo i zlatne medalje, a drugoplasirana ekipa pehar za učešće u finalnoj utakmici i srebrane medalje.

Domaćin organizator Finala KUP-a NS USK-a za Juniore i Seniore Odlukom Izvršnog odbora pripala je NK"Rudar"Kamengrad.

Domaćinu organizatoru KUP-a NS USK-a za Juniore i Seniore pripada naknada u iznosu od 300,00 KM od strane NS USK-a.

ZAVRŠNICA KUP TAKMIČENJA U OKVIRU NS F BiH

Član 17.

Poslije završenog KUP takmičenja po kantonima/županijama u završnom dijelu KUP-a NS F BiH za 2020/2021 godinu u konkurenciji seniora i juniora učestvuju pobjednici SENIORSKOG KUP-a I JUNIORSKOG KUP-a NS USK.

ZAVRŠNE ODREDBE

Član 18.

Izmijene i dopune ovih Propozicija vrše se prema istom postupku ,kao i njihovo donošenje.

Član 19.

Za sva ostala pitanja koja nisu predviđena ovim Propozicijama primjenjivat će se Propozicije takmičenja za prvenstvo nogometne lige NS USK-a za takmičarsku 2020/2021 godinu i propisi NS/FS BiH.

Ove Propozicije stupaju na snagu danom donošenja,a primjenjuju se za takmičarsku 2020/2021 godinu.

Dopredsjednik NS USK-a
Emir Begić